

登科記考

〔清〕徐松撰

趙守儼點校

登科記考 下冊

中華書局

《登科記考》人名索引

凡 例

- 一、本索引收徐松《登科記考》、岑仲勉《登科記考訂補》中著錄的進士、明經、制科、諸科及第者及知貢舉者姓名。
- 二、姓名下的數字，前者為卷數，後者為頁碼。《登科記考訂補》簡稱為《訂補》。例如：
馮審
14/503
15/578
訂補 8
17
表示馮審見《登科記考》14卷503頁、15卷578頁，又見於《登科記考訂補》第8頁、第17頁。
- 三、凡同姓名人物，則注明其及第年代、職官、從屬關係等，以示區別。
- 四、凡更改名字及以字行者，以常用稱謂為主目，其他稱謂為參見條目。
- 五、凡同為一人，各書記載姓名有異歧者，今以徐松著錄姓名為主目，其他姓名為參見條目。
- 六、有姓闕名者，今排列在該姓氏人物之最後，並注明其及第時間，以待考定。
- 七、本索引以四角號碼排列，另編《筆畫檢字與四角號碼對照表》，以使用不同方法查檢。

登科記考卷二十四

唐昭宗聖穆景文孝皇帝

龍紀元年己酉

正月癸巳朔，大赦，改元。《舊書》本紀

進士二十五人：

李瀚，狀元。

溫憲，《唐才子傳》：「溫憲，庭筠之子也。龍紀元年李瀚榜進士及第。」《唐詩紀事》：「溫憲員外，庭筠子也。僖、昭之閒，就試于有司。值鄭相延昌掌邦貢也，以其父文多刺時，復傲毀朝士，抑而不錄。既不第，遂題一絕於崇慶寺壁。後榮陽公登大用，因國忌行香見之，憫然動容。暮歸宅，已除趙崇知舉，即召之，謂曰：『某頃主文衡，以溫憲庭筠之子，深怒嫉之。今日見一絕，令人惻然，幸勿遺也。』于是成名。詩曰：『十口溝隍待一身，半年千里絕音塵。鬢毛如雪心如死，猶作長安下第人。』」按憲於咸通四年作《程修己墓誌銘》，已題曰「鄉貢進士」，是亦久困文場之證。《摭言》：「溫憲，光啓中及第，尋爲山南從事。辭人李巨川草薦表，盛述憲先人之屈，略曰：『蛾眉先妬，明妃爲去國之人；猿臂自傷，李廣乃不侯之將。』」

吳融，《新書》本傳：「吳融，祖翥。融龍紀初及進士第。韋昭度討蜀，表掌書記。」《唐才子傳》：「融字子華，山陰人。龍

紀元年李瀚榜及進士第。」《唐詩紀事》：「韓偓與吳子華侍郎同年。《玉堂伴直》懷昔敘懇，因成長句，兼呈同年云：『往年鶯谷接清塵，今日鼇山作侍臣。二紀許諧勞筆硯，一朝宣入掌絲綸。聲名烜赫文章士，金紫雍容富貴身。絳帳恩深無路報，語餘相聚卻酸辛。』又注云：『子與子華，俱久困名場。』《北夢瑣言》：「吳融侍郎，乃趙崇大夫門生。」

韓偓，《唐才子傳》：「韓偓字致堯，京兆人。龍紀元年禮部侍郎趙崇下擢第。」《唐詩紀事》：「偓父瞻，李義山同年。偓小字冬郎，義山云嘗即席爲詩相送，一座盡驚，句有老成之風。因有詩云：『十歲裁詩走馬成，冷灰殘燭動離情。桐花萬里丹山路，雛鳳清于老鳳聲。』偓字致堯，今日致光，誤矣。自號玉山樵人。」又云：「偓天復初入翰林。其年冬，駕幸鳳翔，偓有扈從之功。返正初，上面許偓爲相。奏云：『陛下運契中興，當復用重德鎮風俗，臣座主右僕射趙崇可充是選。乞迴臣之命授崇，天下幸甚。』上嘉歎。翌日，制用崇暨兵部侍郎王贊爲相。時梁太祖在京，素聞崇之輕佻，贊復有覲，馳入謁見，于上前具言二公長短。〔具〕原作「且」，據《紀事》卷六五改。〕上曰：『趙崇是偓薦。』時偓在側，梁王叱之。偓奏曰：『臣不敢與大臣爭。』上曰：『韓偓出。』尋謫官入閩。韓偓及第，過堂日作詩曰：『早隨真侶集蓬瀛，閭闔門開尚見星。龍尾樓臺迎曉日，鼇頭宮殿入青冥。暗驚凡骨升仙籍，忽訝麻衣謁相庭。百辟斂容開路看，片時輝赫勝圖形。』

唐備，《唐才子傳》：「唐備，龍紀元年進士。」

崔遠，《舊唐書·崔珙傳》：「珙弟璵，璵子澹。澹子遠，龍紀元年進士登第。」

李□。韓偓有《訪同年虞部李郎中詩》，又《春陰獨酌寄同年虞部李郎中詩》，又《同年前虞部李郎中自長沙赴行在，以紫石硯贈之詩》。按李郎中未知其名，偓《和孫舍人荆南重圍中寄諸朝士詩》有李郎中冉，疑卽其人也。

諸科七人。

知貢舉：禮部侍郎趙崇。《北夢瑣言》：「唐趙大夫崇清介，門無襍賓，幕王濛、劉真長之風也。標質堂堂，不爲文章，號曰無字碑。每遇轉官，舊例各舉一人自代。亞台未嘗舉人，云朝中無代己也。世亦以此少之。」又曰：「梁相張策嘗爲僧，返俗應舉。亞台鄙之曰：『劉、蔡輩雖作僧，未爲人知，翻然貢藝，有何不可？張策衣冠子弟，無故出家，不能參禪訪道，抗跡塵外，乃於御簾前進詩，希望恩澤。如此行止，豈掩人口！某十度知舉，十度斥之。』清河公乃東依梁主，而求際會。蓋爲天水拒棄，竟爲梁相也。」《摭言》：「張策，同文子也。自小從學浮圖法，號藏機，彙名內道場爲大德。廣明庚子之亂，趙少師崇主文，策爲時事更變，求就貢籍，崇庭譴之。策不得已，復舉博學宏詞。崇職受天官，復黜之，仍顯揚其過。策後爲梁太祖從事，天祐中在翰林，太祖頗奇之，爲謀府，策極力媒蘖，崇竟罹冤酷。」吳融有《和寄座主尚書詩》、《和座主尚書登布善寺樓詩》、《滌水席上獻座主侍郎詩》、《和座主尚書春日郊居詩》，蓋皆謂崇也。

大順元年 庚戌

正月戊子朔，大赦，改元大順。《舊書》本紀

二月丁巳，宰臣兼國子祭酒孔緯以孔子廟經兵火，有司釋奠無所，請内外文臣自觀察使下及令佐，於本官料錢上緡抽十文，助脩國學。從之。《舊書》本紀

進士二十一人：

楊贊禹，狀元。《黃御史集》有《奇楊贊圖學士詩》，注云：「學士與元昆俱以龍腦登選。」元昆即贊禹。薛廷珪《授楊

贊禹左拾遺制》云：「贊禹連中殊科，首冠羣彥。」

王駕，《唐才子傳》：「王駕字大用，蒲中人，自號守素先生。大順元年楊贊禹榜登第，授校書郎。」《唐詩紀事》：「僖宗幸

蜀，駕下第還蒲中，鄭谷以詩送云：『孤單取仕休言命，早晚逢人苦愛詩。』後有《次韻王駕校書結綬見寄之什》云：『直應歸諫苑，方肯別山村。勤苦常同業，孤單共感恩。』駕仕至禮部員外郎，與司空圖、鄭谷爲詩友。」

戴思顏，《唐才子傳》：「戴思顏，大順元年楊贊禹榜進士及第。」《唐詩紀事》作「司顏」。

王虬，《新書·藝文志》：「字希龍，泉州南安人。大順初舉進士第。」

張瑩，《淳熙三山志》：「瑩字昭文，連江人。楊贊禹榜進士，終禮部尚書，知延州。」

林衮，《淳熙三山志》：「衮字讜言，閩縣人。終秘書校書郎。」

諸科一人。

知貢舉：御史中丞裴贊。按裴贊凡三榜，二榜見後，是年當爲第一榜。《摭言》：「裴公第一榜，拾遺盧參

預之。」謂通榜也。

二年 辛亥

進士二十七人：

崔昭矩，《摭言》：「崔昭矩，大順中裴贊下狀元及第。翌日，兄昭緯登庸。」按《宰相表》，崔昭緯以大順二年正月庚申

同平章事，是昭矩爲此年狀元。《北夢瑣言》：「唐進士崔昭矩爲狀元，有進士團所由動靜舉罰，一日所由疏失，狀元笞之。遂巡所由謝杖于階前，對諸進士曰：『崔十五郎不合于同年前面瞋決所由，請罰若干。』博陵無言以對。」

陳鼎，《淳熙三山志》：「鼎，福清人。崔昭矩榜進士。」按《十國春秋》，黃晟辟前進士陳鼎、羊紹素爲賓客。當卽

其人。

黃璞，《新書·藝文志》：「璞字紹山，大順中進士第。」按徐寅《贈黃校書先輩璞閒居詩》曰：「取得驪龍第四珠，退依僧

舍卜貧居。」是璞以第四人及第。《淳熙三山志》：「黃璞字德溫，侯官人，後遷莆田。官至崇文館校書郎，自號霖居

子，有集二十卷。」按璞於是年及第，故景福二年撰《陳巖墓誌》，結銜稱「前鄉貢進士」也。

杜荀鶴，《唐才子傳》：「杜荀鶴字彥之，嘗謁梁王朱全忠，與之坐，忽無雲而雨。王以爲天泣，不祥，命作詩。乃賦曰：

『同是乾坤事不同，雨絲飛灑日輪中。若教陰□都相似，爭表梁王造化功？』王悅之。荀鶴寒進，連敗文場甚苦，至是

送春官。大順二年，裴贊侍郎放第八人登科。正月十日放榜，正荀鶴生朝也。王希羽獻詩曰：『金榜曉懸生世日，玉

書潛記上昇時。九華山色高千尺，未必高于第八枝。』荀鶴居九華，號九華山人。《北夢瑣言》：「唐右補闕張曙，吏部

侍郎裴之子，棣之姪。文章秀麗，精神敏俊，甚有時稱。所生母常戴玉天尊，黃巢亂離，莫知存沒。或有於枯骸中頭

上見有玉天尊，以曙未訪遺骸，不合進取，以此阻之。後于裴贊侍郎下擢進士第，官至右補闕。曾戲同年杜荀鶴曰：

『杜十四仁賢大榮幸，得與張五十郎同年。』荀鶴答曰：『張五十郎大榮幸，得與荀鶴同年。天下只聞杜荀鶴名字，豈知

張五十郎耶？』彼此大哈。按《杜十四》，《唐言》作「杜十五」。《唐新纂》：「荀鶴舉進士及第，東歸過夷門，獻梁太祖

詩，句云：『四海九州空第一，不同諸鎮府封王。』《唐詩紀事》：「荀鶴，或曰牧之微子也。牧之會昌末自齊安移守秋浦，

時年四十四，所謂『使君四十四，兩佩左銅』者也。時妾有姪，出嫁長林鄉正杜筠，而生荀鶴。擢第年四十六矣。李昭

象《喜杜荀鶴及第詩》云：『深巖貧復病，榜到見君名。貧病渾如失，山川頓覺清。一春新酒興，四海舊詩聲。日使能吟者，西來步步輕。』又殷文圭《寄賀杜荀鶴及第》云：『一戰平疇五字勞，書歸鄉去錦爲袍。大鵬出海翎猶溼，駿馬辭天氣正豪。九子舊山增秀絕，二南新格變風騷。由來稽古符公道，平地丹梯甲乙高。』顧雲《唐風集序》：『大順初，皇帝命小宗伯河東裴公掌邦貢。次二年，遙者來，隱者出，異人俊士始大集都下。於羣進士中，得九華山杜荀鶴，拔居上第。』《十國春秋》：『杜荀鶴庭前椿樹生二芝，次年及第，因名之爲科名草。』按杜荀鶴及第試卷，至宋時猶存，王禹玉作《龐穎公神道碑》，其家送潤筆金帛外，參以古書名畫三十種，內一種卽荀鶴試卷，事見《石林燕語》。

王渙，《唐才子傳》：『王渙，大順二年禮部侍郎裴贄下進士及第。』《唐詩紀事》：『渙字羣吉。』《摭言》：『大順中，王渙自左史拜考功員外，同年李德鄰自右史拜小戎，趙光胤自補充拜小儀，王拯自小版拜少勳。渙首唱長句感恩上裴公，曰：『青衿七十榜三年，逮禮含香次第遷。珠彩乍連星錯落，桂花曾對月嬋娟。玉經磨琢多成器，劍拔沈埋便倚天。應念銜恩最深者，春來爲壽拜尊前。』裴公答曰：『謬持文柄得時賢，粉署清華次第遷。昔歲策名皆健筆，今朝稱職並同年。各懷器業寧推讓，俱上青雲豈後先。何事老來猶賦詠，欲將酬和永流傳。』』

李德鄰，見上。

王拯，見上。

趙光胤，《舊書·趙隱傳》：『子光胤，大順二年進士登第。』《舊五代史》：『光胤，光逢之弟也，俱以詞藝知名，亦登進士第。』

張曙，《摭言》：『張曙、崔昭緯，中和初西川同舉，相與詣日者問命。曙自恃才名籍甚，人皆目爲將來狀元，崔亦分居其

下。無何，日者殊不顧曙，第目崔曰：『將來萬全高第。』曙有愠色，日者曰：『郎君亦及第，然須待崔家郎君拜相，君當于此時過堂。』既而曙果以慘恤不終場，昭緯其年首冠。曙以篇什刺之曰：『千里江山陪驥尾，五更風水失龍鱗。昨夜浣花溪上雨，綠楊芳草屬何人？』崔甚不平。會夜飲，崔以巨觥飲張，張推辭再三。崔曰：『但喫卻，待我作宰相與郎君取狀頭。』張拂衣而去，因之大不叶。後七年，崔自內廷大拜，張後於三榜裴贊下及第，果于崔下過堂。『唐詩紀事』：『張曙，杜荀鶴同年生也。荀鶴酬曙詩云：『天上書名天下傳，引來齊到玉皇前。大仙錄後頭無雪，至藥成來竈絕煙。笑躡紫雲金作闕，夢拋塵世鐵爲船。九華山叟驚凡骨，同到蓬萊豈偶然。』』

吳仁璧，『永樂大典』引『蘇州府志』：『侍郎裴贊知貢舉，仁璧登第。』又曰：『吳仁璧字廷寶，長洲人。』『新書·藝文志』作「字廷實」。

蔣肱，『摭言』：『大順二年，孔魯公在相位，特置吳仁璧於蔣肱之上。』按吳仁璧爲廣文生，蔣肱爲鄉貢。咸通、乾符以來，率以廣文生爲末第，魯公特矯其弊如此。『永樂大典』引『宜春志』：『蔣肱登大順三年進士第。』『三』蓋「一」之訛。

羅究，『永樂大典』引『臨叩續志』：『羅究，臨叩人，應進士舉。文學優瞻，操尚甚高。唐大順中策名，不歸故鄉。時屬喪亂，朝廷多故，契闊兵難，備歷饑寒。蜀先主致書于翰林令狐學士、吳侍郎，選書記一員。欲以桂陽應聘。外郎謂知己曰：『暫擁馬通衢，服弊布衣，以俟外朝，無復西歸，爲魯國東家某也。』竟通朝籍，終于梁禮部員外郎也。』

吳蛻，『十國春秋·吳程傳』：『程，山陰人。父蛻，大順中登進士，解褐鎮東軍節度掌書記。』

王翊，『新書·藝文志』：『翊字雄飛，大順進士第。』

諸科六人。

知貢舉：御史中丞裴贇。

黃滔《上裴侍郎啟》云：「某伏念薦孟明則子桑所能，免叔向匪祁奚莫議。推言及

是，瀝懇爲宜，上瀆清隆，敢希容聽。伏惟侍郎中丞，頃持文柄，大闢至公。垂爲聖代之準繩，懸作貢闈之日月。某爲後無私之兩榜，遂乖必字於十年。伏蒙侍郎中丞，曲賜矜傷，直加賞錄。連歲薦論瑣質，傾極重言。而以弱植難培，么弦易斷，且驚負累，空費生成。既而不罪龍鍾，愈隆恩遇。昨者面容跪履，親俾窺天，仍如琢玉之品題，更啓如金之然諾。便于此口，上翥重霄。今則已除主文，只祈陰德，延頸于溝墮之底，瞻恩於邱岳之隆。雖龜龍不瑞于匹夫，而犬馬合田于本主。沾巾墮睫，瀝膽披肝，不在他門，誓于死節。下情無任攀託，依投懇悃之至。」按啟言「無私之兩榜」，是裴公第二榜。《舊書》本紀乾寧四年有前御史中丞裴贇，此啟亦言侍郎中丞，是以御史中丞知舉矣。杜荀鶴有《辭座主侍郎詩》。《唐詩紀事》：裴贇第二榜策夜，李洞簾前獻詩曰：「公道此詩知不得，昭陵慟哭一時休。」尋卒蜀中。裴公無子，人謂屈洞所致。」

景福元年 壬子

正月丙寅，大赦，改元景福。《舊書》本紀

進士三十人：《十國春秋》：徐寅試《止戈爲武賦》。《徐正字集》有《省試東風解凍詩》，當卽此年試題。

歸黯，《廣卓異記》引《登科記》：「歸仁澤，乾符元年狀元及第。子黯，大順三年狀元及第。」《摭言》：「歸黯親迎拜席日，

狀元及第。榜下板巡，脫白期月，無疾而卒。」

徐寅，《唐才子傳》：「徐寅，大順三年蔣泳下進士及第。」按《永樂大典》引《莆陽志》作乾符元年，〔本卷下文陳乘下引

《莆陽志》作「乾寧元年」誤。《十國春秋》：「徐寅字昭夢，莆田人。登唐乾寧進士第。試止戈爲武賦，一燭裁盡，

已有『破山加點，擬成無人』之句，禮部侍郎李擇寬而奇之。」按此年蔣泳知舉，李擇未詳所出。徐寅《放榜日詩》

曰：「喧喧車馬欲朝天，人探東堂榜已懸。萬里便隨金鸞鷲，三台仍借玉連錢。花浮酒影彤霞爛，日照衫光瑞色鮮。十

二街前樓閣上，卷簾誰不看神仙。」又《曲江宴日呈諸同年詩》曰：「鸛鵲驚與鳳凰同，忽向中興遇至公。金榜連名昇碧

落，紫花封敕出瓊宮。天知惜日遲遲暮，春爲催花旋旋紅。好是慈恩題了望，白雲飛盡塔連空。」《五代史補》：「徐寅

登第，歸閩中，途經大梁，因獻太祖賦。時梁祖與太原武皇爲讎敵，武皇眇一目，又出自沙陀部落，寅欲曲媚梁祖，故

詞及之，云『一眼胡奴，望英威而膽落』。未幾有人得其本示太原者，武皇見而大怒。及莊宗之滅梁也，四方諸侯以爲

唐室復興，奉琛爲慶者相繼。王審知在閩中，亦遣使至，遽召其使，問曰：「徐寅在否？」使不敢隱，以無恙對。莊宗因

慘然曰：「汝歸語王審知，父母之讎不可同天。徐寅指斥先帝，今聞在彼中，何以容之！」使回，具以告審知，曰：「如此

則主上欲殺徐寅爾。今殺則未敢奉詔，但不可用矣。」即日戒關者，不得引接。徐寅坐是終身止于秘書正字。」

盧仁炯，徐寅有《寄盧端公同年仁炯詩》。

徐寅有《贈垂光同年詩》曰：「丹桂攀來十七春，如今始見茜袍新。須知紅杏園中客，終作金鑾殿裏臣。逸少家風

惟筆札，元成事業是陶鈞。他時黃閣調元處，莫忘同年射策人。」

諸科六人。

知貢舉：蔣泳。見《唐才子傳》，未知何官。

徐寅《東風解凍詩》曰：「暖氣飄蘋末，凍痕銷水中。扇冰初覺泮，吹海旋成空。人律三春照，朝宗萬里通。岸分天影闊，色照日光融。波起輕搖綠，鱗遊乍躍紅。殷勤排弱羽，飛翥趁如風。」《徐正字集》

二年癸丑

進士二十八人：

崔膠，狀元。

易標，《永樂大典》引《宜春志》：「景福二年，易標登進士第。」

張鼎，《唐才子傳》：「張鼎字台業，景福二年崔膠榜進士。」

歸藹，《永樂大典》引《蘇州府志》：「景福二年，侍郎楊涉知舉，歸藹登第。」《舊五代史》：「歸藹字文彥，吳郡人也。登進士第。」按藹生于大中十一年，是年三十七歲。

盧玄暉，《摭言》：「盧大郎補闕玄暉，升平鄭公之甥也。暉少孤，長于外氏，愚常誨之舉進士。咸通十一年初舉，廣明庚子歲，遇大寇犯闕，竄身南服。時外兄鄭續鎮南海，暉向與續同庠序。續仕州縣官，暉自號白衣卿相，然二表俱爲愚鍾愛。爾來未十稔，續爲節行將，暉乃窮儒，復脫身虎口，挈一囊而至，續待之甚厚。時大駕幸蜀，天下沸騰，續勉之

鍾愛。爾來未十稔，續爲節行將，暉乃窮儒，復脫身虎口，挈一囊而至，續待之甚厚。時大駕幸蜀，天下沸騰，續勉之

出處。且曰：『人生幾何，苟富貴可圖，何須一第耳！』暉不答，復請賓佐誘激者數四，復虛右席以待暉。暉因曰：『大朝設文學之科以待英俊，如暉者能否焉敢期于饗饗？然聞昔舅氏所勸，常以一第見勉。今舊館寂寥，奈何違夙昔之約。苟白衣沒世，亦其命也。若見利改圖，有死不可。』續聞之加敬。自是龍鍾場屋復十許歲，大順中方爲弘農公所擢。卒於右袞。」按言大順中，誤。

張道古，唐詩紀事：「昭宗時，拾遺張道古貢五危二亂表，黜于蜀。後聞駕走西岐，又遷東洛，皆契五危之事，悉歸二亂之源。因吟一章上蜀王詩曰：『封章才達冕旒前，黜詔俄離玉座端。二亂豈由明主用，五危終被佞臣彈。西巡鳳府非爲固，東播變興卒未安。諫疏至今如可在，誰能更與讀來看？』道古，臨淄人，景福中進士，釋褐爲著作郎，遷右拾遺。」新書·藝文志：「道古字子美，景福進士第。」

杜晏，杜甫子宗文，生東山翁，東山翁生禮，禮生詳。詳生晏，景福中第進士，官至侍御史。見宋查籥撰《杜莘老行狀》。

曹愚，《淳熙三山志》：「愚字古直，長溪人。景福二年及第。」

明經科：

賈潭，徐鉉《賈宣公墓誌銘》：「公諱潭，字孟澤，洛陽人。六代祖黃門侍郎、晉國公至，五代祖蓀，高祖種，〔原誤作〕五代祖孫種，據《全文》卷八八五《潭誌》改。」曾祖昶，祖琛，考翹。潭景福二年以學究一經射策高第。」

諸科十二人。

知貢舉：禮部侍郎楊涉。見上。

黃滔有《上楊侍郎啟》云：「伏以義文不兆之文，何人復演；魯史不褒之

事，曠古誰稱？厥理非遙，斯言可喻。伏以侍郎，榮司文柄，弘闡至公，歷選滯遺，精求文行。泉下則大臣有感，揭起銷沈；場中則寒族無差，酌平先後。所以如某者，曾干衡鏡，經定否臧。若不蒙指，向後人，說爲遺恨，則幸輔之爲薦舉，帝王之作知音，而主且不言，人誰肯信？蘇是須出侍郎金口，須自侍郎瑤函。今則論啟無私，恩加瑣質，錫生成于此日，迴分付于將來。早從握內以擠排，便是眼前之科第。然後念以漸臨風水，莫如蓬島之音塵；俾拜雲水，親吐蘭言而誨諭。留心卽是，自古所希，莫不拳跼循涯，蘭干抹泣，質向神鬼，誓于子孫。鶯谷乘春，雖託他門而振羽；靡軀異日，須歸舊地以論恩。瀝肝膽以無窮，寓賤毫而莫載。下情無任感恩懇悃之至。」

乾寧元年甲寅

正月乙丑，大赦，改元乾寧。《舊書》本紀

進士二十八人：

蘇檢，狀元。按《太平廣記》引《聞奇錄》：「蘇檢登第，歸吳省家。」蓋吳人也。

韋莊，《唐才子傳》：「韋莊字端己，京兆杜陵人也。乾寧元年蘇檢榜進士，釋褐校書郎。」《唐詩紀事》：「韋莊，見素之

後。」《北夢瑣言》：「蜀相韋莊，應舉時遇黃寇犯闕，著《秦婦吟》一篇，內一聯云：『內庫燒爲錦繡灰，天街踏盡公卿骨。』

爾後公卿亦多垂訝，莊乃諱之。時人號『秦婦吟秀才』。他日撰家戒，內不許垂『秦婦吟』障子。以此止謗，亦無及也。」韋莊《放榜日作》云：「一聲天鼓闌金扉，三十仙才上翠微。葛水霧中龍乍變，峨山煙外鶴初飛。鄒陽暖豔催花

發，太皞春光簇馬歸。回首便辭塵土世，彩雲新換六銖衣。」

陳乘，《永樂大典》引《莆陽志》：「乾寧元年，徐寅、陳乘登進士第。」按乘爲陳崇之族子，見徐鍇《陳氏書堂記》。《十

國春秋》：「陳乘，仙游人。」

唐廩，《永樂大典》引《宜春志》：「乾寧元年，唐廩登進士第。」《新書·藝文志》作「唐稟」。

孔昌庶，昌庶，迴之子，見《宋史·孔承恭傳》。《闕里文獻考》：昌庶爲乾寧元年進士，未知所據，附此俟考。

明經科：

張佖。《九國志》：「張佖，京兆長安人。乾寧初以明經中第。」

諸科三人。

知貢舉：禮部侍郎李擇。《十國春秋》以徐寅爲是年進士，知舉者李擇。今從《才子傳》，移徐寅於大順三年，而存擇名於此以俟考。

二年乙卯

二月乙未，敕：「高宗夢傳說，周文遇子牙，列位則三公，弼諧則四輔。朕纂承鴻緒，克紹寶圖，思致理平，未臻至化。今大朝方興文物，須擇賢良，冀於僉選之間，以觀廊廟之器。今年新及第進士張貽憲等二十五人，竝指揮取今月九日於武德殿祇候。委中書門下準此處分，仍付所司。」按黃滔《放榜日詩》注云：「其年當日奏試。」蓋卽于乙未日放榜也。

丙申，試新及第進士張貽憲等於武德殿東廊。內一人盧賡稱疾不至，宣令昇人。又云華陰省親，其父偃進狀乞落下。分二十五鋪分，不許往來。內出四題，《曲直不相入賦》，取「曲直」二字爲韻。《良弓獻問賦》，以「太宗問工人：木心不正，脈理皆邪，若何道理」，取五聲字輪次，各雙用爲韻。按《容齋四筆》引作「皆取五聲依輪次，以雙周隔句爲韻，限三百二十字成」。《詢于芻蕘詩》，回紋，正以「芻」字，倒以「蕘」字爲韻。《品物咸熙》，七言八韻成。令至九日午後一刻進納。

丁酉，宣翰林學士承旨、戶部侍郎、知制誥陸宸，秘書監馮渥，於雲韶殿考所試詩賦。各賜衣一襲、氈被等。

己亥，敕：「朕自君臨寰海，八載於茲。夢寐英賢，物色巖野，思名實相符之士，藝文具美之人，用立于朝，庶裨于理。且令每歲鄉里貢士，考覈求才，必在學貫典墳，詞窮牧化，然後升于賢良之籍，登諸俊造之科。如聞近年已來，茲道寢壞，鸚多披于隼翼，羊或服于虎皮。未聞一卷之師，已在遷喬之列。永言其弊，得不以懲！昨者崔凝所考定進士張貽憲等二十五人，觀其所進文書，雖合程度，必慮或容請託，莫致精研。朕是以召至前軒，觀其實藝，爰于經史，自擇篇題。今則比南郭之等音，果分一一；慕西漢之辭彩，無媿彬彬。既鑒妍媸，須有升黜。其趙觀文、程晏、崔賞、崔仁寶等四人，才藻優瞻，義理昭宣，深窮體物之